

Na osnovu zaključenog „Sporazuma o realizaciji projekta rekonstrukcije ulice Adema Buće u dužini od cca 950m, na području Općine Novi Grad Sarajevo“ broj 02/02-11-15480/20 od 10.09.2020. godine, između Općine Novi Grad Sarajevo i Ministarstva saobraćaja Kantona Sarajevo-Direkcije za puteve, primjenom odredaba članova 25. i 32. Zakona o javnim nabavkama („Službeni glasnik BiH“ broj 39/14), proveden je otvoreni postupak zajedničke javne nabavke pod brojem obavještenja 422-1-3-252-3-153/20 objavljanog u Sl,glasniku br. 67/20 dana 23.10.2020.godine i na Portalu javnih nabavki dana 19.10.2020.godine i ispravke obavještenja 422-1-3-252-8-161/20 objavljen u Službenom glasniku BiH broj 71/20 dana 06.11.2020. godine i na Portalu javnih nabavki 02.11.2020. godine, na osnovu kojeg se zaključuje slijedeći

OKVIRNI SPORAZUM

Izvođenje radova na rekonstrukciji ulice Adema Buće u dužini od cca 950 m

Između:

OPĆINA NOVI GRAD SARAJEVO, ID broj 4200422060000, PDV broj 200422060000, ul. Bulevar Meše Selimovića br. 97. koju zastupa Općinski načelnik mr. Semir Efendić (u daljem tekstu: Općina/Investitor)

Ministarstvo saobraćaja Kantona Sarajevo - Direkcija za puteve, ul. Hamida Dizdara broj 1. Sarajevo, koju zastupa direktor Selmir Kovač (u daljem tekstu: Direkcija/Investitor)

I

“ORMAN” DOO KISELJAK, ID 4236041830008 i PDV br. 236041830008, ul. Žrtava domovinskog rata bb, Kiseljak, koga zastupa direktor Orman Nijaz (daljem tekstu: Izvođač)

Član 1.

Ovim okvirnim sporazumom sporazumne strane regulišu okvirna pitanja vezana za izvođenje radova na rekonstrukciji ulice Adema Buće u dužini od cca 950 m. Okvirni sporazum sklapa se na osnovu Odluke o dodjeli sporazuma najpovoljnijem ponuđaču broj 02/12-19-16984/20 od 16.12.2020.godine, donesene na osnovu provedenog otvorenog postupka zajedničke javne nabavke, ponude Izvođača br. 380/20 od 30.10.2020. godine, Izvještaju o toku i završetku E-aukcije od dana 03.12.2020. godine, Saglasnosti Izvođača na predmetni obračun nakon provedene e-aukcije od 09.12.2020. godine. Radovi će se izvoditi na području općine, ulica Adema Buće.

Član 2.

Okvirni sporazum zaključuje se na period od dvije (2) godine, do maksimalne finansijske vrijednosti od 1.272.878,10 KM sa PDV-om.

/slovima: jedan milion dvijestotinesedamdesetdvijehiljade osamstotinasedamdesetosam i 10/100 KM/. Izvođač prihvata sve uslove iz sporazuma, posebno da će cijene iz tehničke specifikacije radova ostati fiksne tokom realizacije sporazuma tj. u trajanju od dvije godine.

Član 3.

Sa izvođačem radova će se zaključivati pojedinačni ugovori u kojem će se definisati svi elementi ugovora, odnosno prava i obaveze ugovornih strana (općine Novi Grad Sarajevo i Direkcije za puteve Kantona Sarajevo).

Tokom trajanja ovog okvirnog sporazuma sa Izvođačem radova će se zaključivati pojedinačni ugovori u skladu sa raspoloživim finansijskim sredstvima i potrebama Investitora.

Član 4.

Ukupno maksimalno trajanje svih pojedinačnih ugovora je 180 /stotinu osamdeset/ kalendarskih dana računajući od dana uvođenja Izvođača radova u posao.

Član 5.

Izvođač radova će biti obavezan za pojedinačnu nabavku dostaviti ugovornom organu bankovnu garanciju za uredno izvršenje ugovora na iznos od 10% ugovorene vrijednosti. Bankovnu garanciju je potrebno dostaviti prema formi obrasca koji je propisan "Pravilnikom o formi garancije za ozbiljnost ponude i izvršenje ugovora" (Službeni glasnik BiH br. 90/14) dat u Aneksu 11. tenderske dokumentacije. Bankovna garancija mora biti original i ne smije biti oštećena.

Period trajanja garancije za pojedinačne ugovore je period izvođenja radova plus garantni rok. Rok izvođenja radova će biti definisan u pojedinačnim ugovorima.

Garancija pokriva naknadu svake štete kao i troškove koje može imati ugovorni organ ukoliko Izvođač prekrši (pojedinačni) ugovor.

Član 6.

Pojedinačni ugovori obavezno će biti pod uslovima utvrđenim u tenderskoj dokumentaciji i prihvaćenoj ponudi od 30.10.2020. godine, Izvještaju o toku i završetku E-aukcije od dana 03.12.2020. godine kao i pojedinačnim ponudama. Plaćanje za pojedinačne ugovore će se vršiti - bez avansa, putem privremenih situacija u zakonskom roku.

Član 7.

Garantni rok

Garantni rok za izvedene radove i ugrađenu opremu je 2 /dvije/ godine računajući od dana primopredaje radova, što je obezbjeđeno bankovnom garancijom za dobro izvršenje posla.

Izvođač je dužan u garantnom roku po pozivu Investitora, a u roku od 10 dana, otkloniti sve eventualne nedostatke nastale greškom Izvođača o svom trošku.

Ukoliko Izvođač ne postupi po pozivu Investitora i otkloni nedostatke, isti stiče prava bezuslovne naplate garancije, odnosno Investitor je ovlašten da za otklanjanje nedostataka u skladu sa zakonom angažuje drugo pravno lice i da nastalim troškovima tereti Izvođača.

Član 8.

Ukoliko Izvođač ne bude u mogućnosti izvršiti preuzete obaveze iz ovog sporazuma ili grubo krši odredbe istog, te nije u mogućnosti da ispuni ono na što se obavezao kroz svoju ponudu, Investitor može jednostrano i pisemnim putem raskinuti sporazum, bez ikakvih posljedica.

Investitori mogu raskinuti ovaj sporazuma i ako: ugovorne strane iz bilo kog razloga raskinu pojedinačni ugovor; ukoliko Izvođač iz bilo kog razloga odbije da potpiše ponuđen mu pojedinačni ugovor ili ne poštuje bilo koju odredbu definisanu pojedinačnim ugovorom; ukoliko Izvođač radova ne izvede radove iz pojedinačnog ugovora u predviđenom roku (izuzev u opravljenim situacijama); ukoliko Izvođač poslove izvodi nekvalitetno i suprotno tehničkim propisima...i sl.

Za sve što nije regulisano ovim okvirnim sporazumom ili pojedinačnim ugovorima sklopljenim na temelju ovog okvirnog sporazuma primjenjivat će se odgovarajuće odredbe ZOO-a.

Član 9.

Ovaj okvirni sporazum zaključuje se na period od dvije (2) godine.

Član 10.

Sporazumne strane su saglasne da Izvođač nema pravo zapošljavati u svrhu izvršenja ugovora fizičke i pravne osobe koje su sudjelovale u pripremi tenderske dokumentacije ili su bile član ili stručna osoba koju je angažirala Komisija za nabavke u postupku koji je prethodio ovom ugovoru, najmanje šest mjeseci po zaključenju ugovora.

Član 11.

Sporazumne strane saglasne su da će sve eventualne sporove iz ovog sporazuma kao i sporove koji nastanu iz pojedinačnih ugovora sklopljenih na osnovu ovog Sporazuma, rješavati rješavati mirnim putem, a ukoliko to nije moguće, za rješavanje spora nadležan je Općinski sud u Sarajevu.


Član 12.

Okvirni sporazum sačinjen je u 8 (osam) istovjetnih primjeraka, od kojih Općina zadržava četiri (4) primjerka, Direkcija dva (2) primjerka, a 2 (dva) primjerka zadržava Izvođač.

I Z V O Đ A Č


ORMAN doo Kiseljak

I N V E S T I T O R


Ministarstvo saobraćaja Kantona Sarajevo
Direkcija za puteve - Sarajevo
Direktor

Broj:

030-00-B/29

Broj: 0412/838
Sarajevo, 21. 01. 2021

I N V E S T I T O R


Općina Novi Grad Sarajevo
Općinski načelnik, mr. Semir Efendić

Broj: 02/12-19-16984/20
Sarajevo, 05-01-2021

